



Broj: 10-33-35897/22

Dana: 19.09.2022. godine

Na osnovu člana 22. stav 2. Zakona o izvršavanju Budžeta Kantona Sarajevo za 2022. godinu („Službene novine Kantona Sarajevo“, broj 5/22), u vezi sa članom 13. stav 1. tačka 14. Zakona o zdravstvenoj zaštiti („Službene novine Federacije BiH“, br. 46/10 i 75/13), a u cilju zakonitog i transparentnog trošenja budžetskih sredstava, Ministarstvo zdravstva Kantona Sarajevo objavljuje

Javni poziv

za dodjelu neuromodulacijskih odijela za osobe oboljelih od neuromišićnih oboljenja, za povećanje mobilnosti, smanjenje bola i povećanje samostalnosti putem elektromišićne stimulacije sa područja Kantona Sarajevo u 2022. godini

1. PREDMET JAVNOG POZIVA

Predmet Javnog poziva je dodjela 15 neuromodulacijskih odijela prilagođenih potrebama oboljelih od neuromišićnih oboljenja sa područja Kantona Sarajevo u 2022 godini, nabavljenih sredstvima iz Budžeta Kantona Sarajevo za 2022. godinu, razdjel 20 - Ministarstvo zdravstva, ekonomski kod 614300 - subanalitika KAN 083 funkcija 074 - Prevencija, očuvanje i unapređenje zdravlja stanovništva Kantona Sarajevo, sredstva su namjenska za oblast zdravstva, i tiču se isključivo nabavke i dodjele neuromodulacijskih odijela prilagođenih potrebama oboljelih od neuromišićnih oboljenja sa područja Kantona Sarajevo, te kao takva doprinose zaštiti zdravlja i poboljšanju kvaliteta života oboljelih od neuromišićnih oboljenja.

2. KARAKTERISTIKE PREDMETA DODJELE

Neuromodulacijska odijela koja se dodjeljuju su karakteristika kako slijedi:

- neuromodulacijsko odijelo sa električnim napajanjem,
- dostupno za djecu i odrasle, u 37 veličina, od 104 cm do 5XL za muškarce i žene,
- 58 elektroda ugrađenih po odijelu koje stimuliraju 40 ključnih grupa mišića.
- odvojivo upravljanje,
- 2 patentna zatvarača na svakoj ruci i nozi,
- kombinacija materijala - do 51 % poliamid, do 49 % elastin,
- magnetna spojnica za povezivanje upravljanja i odijela,
- zasebna jakna i hlače, dostupno u veličini od 104 cm do 5XL za muškarce i žene,

3. USLOVI ZA OSTVARIVANJE PRAVA NA DODJELU ORTOPEDSKOG POMAGALA UZ PRILAGOĐAVANJE KOMANDI POTREBAMA OBOLJELIH OD NEUROMIŠIĆNIH OBOLJENJA

Pravo na dodjelu neuromodulacijskih odijela prilagođenih potrebama oboljelih od neuromišićnih oboljenja uz prilagođavanje komandi, ostvaruju sva fizička lica sa područja Kantona Sarajevo, s tim da prioritet imaju djeca a pod uvjetom da ispunjavaju sljedeće kriterije:

- a) da ima prebivalište na području Kantona Sarajevo prije podnošenja zahtjeva i
- b) da je osoba sa utvrđenom dijagnozom bolesti neuromišićnog oboljenja (multipla skleroza), cerebralna paraliza, stanja nakon moždanog udara i nakon povreda leđne moždine.

4. POTREBNA DOKUMENTACIJA

Podnosioci zahtjeva po ovom Javnom pozivu dužni su dostaviti sljedeću dokumentaciju:

- prijavni obrazac;
- rodni list;
- prijavu prebivališta (CIPS) ;
- zadnji nalaz ljekara o zdravstvenom stanju pacijenta, i dijagnozi.

Prijavni obrazac za dodjelu neuromodulacijskih odijela prilagođenih potrebama oboljelih od neuromišićnih oboljenja sa područja Kantona Sarajevo u 2022 godini, može se preuzeti sa web stranice Ministarstva zdravstva Kantona Sarajevo (www.mz.ks.gov.ba), ili na protokolu na adresi Reisa Džemaludina Čauševića 1.

5. OCJENA PRIJAVA

Ocjenu i pripremu prijedloga liste za dodjelu neuromodulacijskih odijela prilagođenih potrebama oboljelih od neuromišićnih oboljenja sa područja Kantona Sarajevo u 2022 godini, vršit će stručna Komisija Ministarstva zdravstva Kantona Sarajevo, na osnovu zdravstvenog stanja pacijenta.

6. PRAVO UČEŠĆA

Pravo učešća i pravo na dodjelu imaju osobe a posebno djeca, sa utvrđenom dijagnozom neuromišićnog oboljenja multipla skleroza, cerebralna paraliza, stanja nakon moždanog udara i nakon povreda leđne moždine, a koje osobe ispunjavaju uslove iz ovog Javnog poziva.

7. PROCES ODABIRA I OBJAVA LISTE

Rang lista će biti objavljena na web stranici Ministarstva zdravstva <http://mz.ks.gov.ba>. Ministar zdravstva Kantona Sarajevo, a na prijedlog stručne Komisije donosi konačnu odluku o dodjeli po ovom Javnom pozivu.

Ministarstvo na osnovu konačne odluke zaključuju ugovore sa korisnicima.

8. NADZOR, KONTROLA I IZVJEŠTAVANJE

Ortopedska pomagala / funkcionalna pomagala dodjeljena po ovom javnom pozivu nabavljena iz sredstava Budžeta Ministarstva zdravstva Kantona Sarajevo, moraju se koristiti za odobrene



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

namjene, prema odredbama ugovora koje će resorno Ministarstvo sklopiti sa korisnicima funkcionalnih pomagala.

9. OSTALE INFORMACIJE

Zahtjevi koji nisu kompletirani se neće uzeti u razmatranje.

10. NAPOMENA

Kompletna dokumentacija koja se dostavlja uz Javni poziv mora biti original ili ovjerena kopija koja ne može biti starija od 6 mjeseci.

Predata dokumentacija neće se vraćati podnosiocima zahtjeva.

11. MJESTO PODNOŠENJE PRIJAVA

Prijava na ovaj javni poziv se podnosi u pisanoj formi na obrascu prijave za dodjelu neuromodulacijskih odijela prilagođenih potrebama oboljelih od neuromišićnih oboljenja s područja Kantona Sarajevo u 2022 godini, objavljenim na web stranici Ministarstva zdravstva i Vlade Kantona Sarajevo, sa dokazima o ispunjavanju uslova i potrebnom dokumentacijom.

Zahtjev na posebno propisanom obrascu sa potrebnom dokumentacijom podnosi se na protokol Kantona Sarajevo ili putem pošte preporučeno na slijedeću adresu:

**Ministarstvo zdravstva Kantona Sarajevo, ulica Reisa Džemaludina Čauševića br. 1,
71000 Sarajevo sa naznakom**

**„Prijava na Javni poziv za dodjelu neuromodulacijskih odijela za osobe oboljelih od neuromišićnih oboljenja, za povećanje mobilnosti, smanjenje bola i povećanje samostalnosti putem elektromišićne stimulacije sa područja Kantona Sarajevo u 2022 godini,"
u zatvorenoj koverti – NE OTVARAJ.**

Informacije vezane za predmet ovog Javnog poziva mogu se dobiti na telefon: 033/562-106 ili Centrala 033/562-104 lokal 2106.

Tekst Javnog poziva, propisani prijavni obrazac i rang lista biće dostupni na Web stranici Ministarstva zdravstva <http://mz.ks.gov.ba>.

Rok za podnošenje prijave je **7 (sedam) dana** od dana objavljivanja javnog poziva na web stranici Ministarstva zdravstva Kantona Sarajevo i Vlade Kantona Sarajevo.



Adresa: Reisa Džemaludina Čauševića 1, 71000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

3/3